

## Terima kasih rakyat Malaysia – Muhyiddin



MUHYIDDIN YASSIN

Oleh ZAREEN HUMAIRAH SEJAHAN | 24 Julai 2021, 1:44 pm



PETALING JAYA: Perdana Menteri, Tan Sri Muhyiddin Yassin menzahirkan penghargaan kepada rakyat Malaysia yang telah menerima suntikan vaksin Covid-19 sekali gus menyumbang kepada usaha untuk mencapai imuniti kelompok.

Menerusi laman Twitter beliau, Muhyiddin berkata, sehingga kini lebih 40 peratus rakyat Malaysia telah menerima suntikan dos pertama vaksin Covid-19.

"Sebanyak 46.7 peratus daripada populasi dewasa di Malaysia telah mendapat sekurang-kurangnya satu dos dan 21.8 peratus pula mendapat dos yang penuh.

"Terima kasih dan tahniah kepada seluruh rakyat Malaysia atas sokongan terhadap Program Imunisasi Covid-19 Kebangsaan (PICK), terutamanya kepada petugas-petugas barisan hadapan dan sukarelawan pusat pemberian vaksin (PPV) yang membantu melancarkan pelaksanaan program ini," katanya.

Sejak 12 Julai lalu, PICK merekodkan pemberian dos harian sebanyak lebih 400,000 dos hampir setiap hari.

Semalam, kadar pemberian dos vaksin pada 23 Julai adalah 462,242 iaitu seramai 30,536 terima dos pertama dan 160,706 untuk dos kedua.


Menurut Muhyiddin, kadar vaksinasi itu seiring dengan perancangan dan sasaran pihak kerajaan untuk melindungi rakyat Malaysia.

"Pencapaian ini selari dengan sasaran yang ditetapkan dan sudah semestinya perlu dipertingkatkan lagi supaya sasaran 26 juta penduduk Malaysia menerima vaksinasi lengkap berjaya dicapai."

"Dengan vaksinasi, kita akan dapat membantu mengurangkan beban kes di hospital dan mengurangkan kes-kes jangkitan yang teruk, seterusnya melancarkan usaha menjayakan Pelan Pemulihan Negara," katanya.



### POPULAR



'Jangan panggil saya Jutawan'

27 Julai 2021, 12:30 pm



Covid-19: China lapor 71 kes baharu

27 Julai 2021, 12:30 pm



'Apa guna fungsi Jawatankuasa Khas Bebas Darurat jika keputusan telah dibuat?'

27 Julai 2021, 12:30 pm



Pegawai tadbir MBSA mengaku tidak bersalah terima rasuah RM36,000

27 Julai 2021, 12:26 pm

### KOSMO! TERKINI

Cadis 13 tahun Jepun menang pingat emas

Ekonomi hidrogen diperkaskan

92 peratus kes jangkitan belum terima vaksin

Aktivis didakwa buat komunikasi jelik

PGA rampas 5.18 tan beras Siam

Dentas fesyen kini lebih fleksibel